

Q V Æ S T I O M E D I C A

Q V O D L I B E T A R I I S D I S P V T A T I O N I B V S

MANE DISCVTIENDA IN SCHOLIS MEDICORVM

DIE IOVIS X. MENSIS IANVARII.

M. GEORGIO CORNVTY, Doctore Medico Moderatore.

743

An Venenatis morbis Alexiteria?



OR nec diu, nec sæpè dolet: exolutionem illius, vel immodicam intemperiem mors illico sequitur. In eo sedem habet febris, sine qua nemo perit, ne Apoplecticus quidem. Ab eo calor & spiritus per arterias quo quocumq; diffunduntur, & affectus, si qua est, parti succurrunt. Infesta autem illis est venenata substantia, quam ubi inopinato occurrit latentem in membris sentire, statim retrogrado motu fugiunt; sed ipsius veneni contactu inquinati, dum ad cor se referunt, transfusa in ipsum virulenta luc, morbi venenati semina sunt. Is, cum formæ morbus sit, actiones cordis primum destruit, à quo vesicam, vt cantharides: pulmones, vt lepus marinus: cerebrum, vt hyoscymus: aut aliam, cui proprietate naturæ venenum aduersatur, corporis partem lædit. Negro humorum extrema intemperie, retenti seminis corruptione, & menstruum suppressione, venenatum morbum induci; sed virulenti animalis morsu, insufflatione, sibilo, punctura, tactu, plantæ integræ, vel quarundam partium esu, succi expressi potu, pulueris iniectione, & tandem debita venenosæ substantiæ corpori approximatione communicari solummodo fatendum est.



ENENV M (cui Græci nullum nomen inuenere) res est non naturalis, mistum quoddam, à natura creatum ad animalium nutritionem, Substantia, non accidens, & qualitas: humanæ naturæ corruptivum: Nulli parit. Interim tardiùs, aliàs citiùs interimit: ocyus, calidi & ieiuni, seriùs, frigidi & saturi enecantur. Fabulæ sunt parari posse venenum, quod decima die, vel trigesima, vel duorum mensium spatio, vel alio fato die occidat. Nugæ fontem posse veneno inquinari; gladius, culter, telum, nullo negotio inficiuntur. Nullum aperta qualitate, quodlibet tota substantiæ proprietate perimit. Hæc natura est, non *κρῶσις*, sed virtus substantialis acquisita in ipso misto ex dispositione prævia ipsius temperamenti, & vniõne formæ, cum materia. Facultas illa, quæ maxima est, etiam in minima mole. Labor est in venenorum censu, ubique latent, inter metallica, animalia, & plantas, quarum immensa præ cæteris series, in inquinamento fungis cedit; ij dum Heliunon palato arident, frigore nimio mortem inferunt. Suis etiam omnia signis indicantur. Euphorbium, summo incendio: cicuta & opium, stupore: calx, siti: gypsum, strangulatu: solanum, suffocatione: napellus, exulceratione dignoscitur. *ήκρυσ*, putrefactio, *φλεγμα*, & dolor, animalis virulenti morsum & puncturam detegunt. Venenata non esse animalia, vermes, si qui ex cadaueribus oriantur, produnt.



FFECTVS venenati magnitudo & *αλεξίφρα*, salutarem medici manum expetit, immò premit partis affectus præstantia, vitæ discrimen & certa mors in mora. Placet naturæ via, quæ quod nocet, statim expellit; Ars illi suppeditas fert, actionem promouendo; vel si quid exequi non possit, absolueno. *ήχη το ἰδὺ ἄντιδο*, & *ή φῶσις ἀδυναμί ἀντιδο*, & *ή μυστήριον*: In hoc affectu medicus naturæ æmulus est, hæc vniuersi partes similium nexu conseruat, vimque admirabilem singulis indidit, quæ trahantur à simili, pellantur à contrario; qualitarum primarum hoc opus esse voluit in elementis; aliud in mistis posuit antipathia & sympathia principium; formam nimirum simplicem, quæ spiritalem sui speciem, ad consimile sibi specie, aut actu, aut proprio subiecto per medium transmittat, ipsi vnatur, & tandem trahat, nisi missionis difformitas impediatur, per quam sæpè mista aliud actu sunt, aliud potentia. Nec aliter vnum ab alio propellitur, quàm per propriæ speciei diffusionem, quæ tanto validior esse debet, quânto imperfectior actio futura est, si principium contrarietatis, forma nimirum, in eo misto quod arcere vis, potentior speciem emittat. Hinc medicus venenum veneno non extinguit; nec vulgaribus & benignis medicamentis, sed Alexiterijs oppugnat, in quibus latens forma secretò ruit in venenum, & per antipathiam expellit.



ALEXITHPIA sunt medicamenta quæ spiritui robur addunt; & si quod in corpore venenum delitescat, extrahit, sine noxa deducunt, exitiali etiam sæpenumerò vi deleta. Cognitio illorum medicis necessaria est, plusque utilitatis affert quàm venenorum; quæ docere veneficus deberet, non medicus. Sed cum illa recenseat ad cautelam, non ad hominum perniciem, idcò & sua statim quibuscumque venenis alexiteria subseribit. Nos illorum duplex genus statuimus, naturale vnum, aliud artificiale; huic Theriaca, illi nomen *Albezahar* assigna. Vtrumque temperamento & qualitatibus vitatur ad aliquid morbi medelam; venenis verò extinguendis, illorum forma & proprietates inscruit. Ex naturalibus præcipua sunt Aurum, Margaritæ, Iacynthus, Cinnamomum, Coriandrum, Crocus, Camphora, Corallus, Terra Sigillata verè diuina, & omnem fidem euentu semper felici superans lapis Bezoar. Ex his Iacynthum, Margaritas, & Bezoar aliquid à calore nativo pati credibile est, non quòd ille vim habeat in substantiam illorum, & accidentia formæ inherencia; sed quòd, vt instrumentum cordis, illa cum sanguine per venas deducat, & laboranti cordi approximet, à quo calefacta vires ocyus in virus exerunt. Theriaca, Michridatij, & aliorum, quæ ars parat, virtus non ex parte simplicium prouenit; sed proprietate, quam fermentatione consequuntur: Caruit artificialibus antiquitas, illorum loco vsa Hyperico, Vincetoxico, Enula, Raphano, Dictamnino, vtraque Aristologia, tum longa, tum rotunda, & lactucella, quarum vires Theriaca non inferiores experta est.



ALEXITHPION omnium vis æqualis non est, naturalium vt simplex mistio, sic vna solummodò in haustum venenum operatio. Theriaca, Michridatij, cæterorumque secundæ complexionis facultas æquæ moribus & puncturis prodest, arque assumptis per os venenis. Hinc Theriaca vsum ad tutamen in sanis non probo. Conuenientius egeris ad vitæ præsidium, si fœniculum & ocimum vires, nec ambules baf nuce, cupressu, bûxo, picea, arboribus magnis, vmbrosis, aut herbosis locis. Domus nouo semper cornu cerui suffitu redolet; pauimentum serpyllo, solano, origano, stratum sit. Nulquam ad conuiuium fame vel siti maceratus accedas; in conuiuium quarta exhibitus iunis vel vini pars imo in vase subsidat. Procul à serpentibus, viperis, araneis, vinum & lac amoue. Demum, ne inter epulas animi pendcas, cornu Serpentis, vas ex aurichalco, & Smaragdus, secreto quem ipsi natura dedit cum venenis diffensu, oculum dapibus aut potu venenum aperient.

Ergo Venenatis morbis Alexiteria.

191

Proponebat Lutetiæ NICOLAUS LANGLOYS Parisinus, Anno R. H. M. DC. XXX.

DOMINI DOCTORES DISPVTVRI.

M. Carolus Guillemeau. Med. Reg. ord.
M. Franciscus Mallet.
M. Iacobus Iouuin.

M. Petrus Sauare.
M. Germanus de Lannay.
M. Philippus Harduinus de S. Iacques.

M. Ioannes Merlet.
M. Gabriel Harduinus de S. Iacques.
M. Michael de la Vigne.

